

03 ألف ليلية | الشيخ محمد خيرى سلسلة أجود ما يكون

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل واشهد ان لا اله الا الله وحده لا شريك له
واشهد ان محمدا عبده ورسوله. وبعد - [00:00:00](#)

فلئن مضى اكثر شهرنا فلقد بقي منه ارجاه ولئن تصرمت ايامه فلقد بقي ما تكون به النجاة ولئن ترحلت ليلايه فقد اطلت علينا ليلال
يتحقق فيها للعبد مناج وان كان معظم رمضان قد زهب - [00:00:21](#)

فجاءت ليالي وساعات اغلى من الذهب ليالي العشر اليوم نتكلم عن ليالي العشر وليالي القدر ولا اقول ليلة القدر يدرك ليلة القدر ان
شاء الله من تعامل مع هذه الليالي العشر - [00:00:50](#)

كانها جميعها ليلة القدر في حاجة اسمها صفقة القرن صفقة القرن الحقيقية هي ما نحن مقبلون عليه ان شاء الله فيا ترى بعد عشر
ليالي من سيكون في ميزانه قرن من الزمان طاعة - [00:01:17](#)

قرن من الزمان قرب من الرحمن قرن من الزمان صيام وقيام وتلاوة وذكر ودعاء وصلة وبر الليل اليومين دول تقريبا يعني ما
بيوصلش عشر ساعات عشر ساعات خير من ثلاثة وتمانين سنة - [00:01:48](#)

مقبلين على عشر ليالي فيهم ليلة هذه الليلة خير من الف شهر هذه الليلة خير من الف شهر اي نعم ولكن هي ايضا خير من ثلاثين الف
ليلة لان الشهر فيه ثلاثين ليلة - [00:02:19](#)

بيكون المجموع ثلاثين الف ليلة انت واخدين بالكم من الرقم فكل ركعة وكل تسبيحة كل تلاوة اية كل اذكار تفوق ثلاثين الف من
مسلمها في غير هذه الليلة عشان نعرف يعني ايه يريد الله بكم اليسر ولا يريد بكم العسر - [00:02:48](#)

الرب جل وعلا عندما يقول يريد بكم اليسر فهذا يسر هذا تخفيف ان الله سبحانه وتعالى يجعل لك ويجعل لك في هذه الليالي ليلة
هذه الليلة افضل وخير من ثلاثين الف ليلة - [00:03:15](#)

والله ده يخلي الانسان يدرك يعني ايه ان ربنا يريد بك اليسر يريد بك اليسر انك تلاقي في صحيفتك يوم القيامة اعظم تخفيف اعظم
تخفيف واعظم تثقيل. تخفيف عليك وتثقيل لصحيفتك - [00:03:38](#)

استشعروا ان في واحد يا جماعة سنة الف تسعمية ثمانية وثلاثين الف تسعمية ثمانية وثلاثين واخدين بالكم من السن من السنة دي
واحد قاعد قرر انه يقفل على نفسه اوضته - [00:03:59](#)

او يطلع وسط الجبال ويقفل على نفسه كهفه ويفتح مصحفه ويبدأ يتكلم مع ربنا ويناجي ربنا ويدعي ربنا ويقراً ويصلي. وما
بيعملش اي حاجة وطلع امتى بقى لسه طالع واحد - [00:04:21](#)

مايو سنة عشرين واحد وعشرين لسه طالع يوم عشرين رمضان والسنة اللي احنا فيها وطالع قدرا قالوا له ده فيه درس الساعة عشرة
ونص بيتكلم عن حاجة مهمة قوي وقاعد بيسمع - [00:04:44](#)

ويفاجئ ان انا بقول لكم ان الله قدر علينا ان في ليلة عشان انت من امة محمد المختار صلى الله عليه وسلم المكرم لو اهتمت بالليلة
دي هتسبق واحد اشتغل ثلاثة وتمانين سنة - [00:05:05](#)

شوفوا بقى ساعتها الراجل ده ممكن يحصل له ايه الراجل ده ايه اللي ممكن يعود عليه وكان ايه الشعور اللي ممكن يحصل له؟
الراجل ده ممكن تيجي له الجلطة من الاعراب - [00:05:31](#)

والاعجاب والزهول فسبحان الله انت ربنا يرن عليك وتاخذ الاجر ده يوم من الايام النبي صلى الله عليه وسلم بيمر على قبر فيقول

لهم قبر ميين ده ؟ قالوا له ده قبر فلان يا رسول الله - [00:05:51](#)

فقال ركعتان مما تحقرون مما تمثلون يعني بتمثلوها يعني تصلوا بها خير لهذا من بقية دنياكم. ركعتين اتنين من اللي انتم بتصلوهم
بسرعة دول من اللي هم انا اعطيناك الكوثر والصد - [00:06:11](#)

ركعتين من اللي هم بسرعة دول خير لهذا من بقية دنياكم يعني لو ربنا خيراه وقال له لو بعستك الان لمدة عشر دقائق تعمل ايه ؟
اصلي ركعتين من دول - [00:06:32](#)

انت هتاخذ بقى ايه انت مقبل على ليلة هي بتلاتين مش عاوز اقول تلاتين الف ليلة لان ده حسبتي انا القاصرة وربنا بيقول خير من
الف ايه؟ شهر يعني انا راجل - [00:06:49](#)

عندي طفلة صغيرة عندها ثلاث سنوات اما تقول لي اطلع لها خمسة جنيهه واقول لها انت معك فلوس تقول لي معي اكر من دي
تتوقعوا اكر من ديت هيبقى قد ايه - [00:07:03](#)

هيبقى عشرة جنيهه عشرين جنيهه صح طب في واحد بقى لا في جامعة قال لي لأ طبعا معي اكر من كده بكتير. معي اكر فعلى
حسب كلامه وعلى حسب النضج بتاعه وعلى حسب علمه وعلى حسب خبرته باللي هو بيقوله. فانا بتوقع ان معه مية جنيهه مسلا -
[00:07:18](#)

طب اما بيقى في واحد سري جدا فيبص كده يقول لي انت بتهزر معي اكر بكتير طبعا الرب جل وعلا عندما يقول خير من الف شهر
فمش هيبقى الف شهر ويوم ولا الف شهر ويومين والف شهر وتلات تيام لأ - [00:07:38](#)

فانت عند موتك هتتمنى دقيقة واحدة تصلي فيها ركعتين. مش هتتمنى ليلة تساوي عندك فوق التلاتين الف ليلة شركات التأمين
شغلاكم ليل نهار وتأمين على مستقبلك وتأمين على عيالك وتأمين مش عارف العربية وتأمين على الموبايل اللي انت ماسكه وتأمين على
التيشيرت اللي انت لابسه اتأمين على - [00:07:59](#)

لحاجة احنا مقبلين على ليلة التأمين الشاملة ليلة التأمين على العمر يا جماعة انك لا تتخيل كده انك تدخل يوم القيامة تبص في
صحيفتك تلاقي مسلا خمس ليالي ليالي قدر. ياه - [00:08:23](#)

عارف يعني ايه خمس ليالي خمسة في تلاتين يعني انت معك مية وخمسين الف ليلة مية وخمسين الف ليلة شغل دول غير شغلك
دول غير الشغل بتاعك بتاع السنة كلها - [00:08:40](#)

عشان كده ربنا قال للنبي صلى الله عليه وسلم وما ادراك ما ليلة القدر؟ انت يا محمد لن تستطيع ان تستوعب عن اي شيه سنكلمك
مستحيل دي ليلة يعني نوح الهى وفتح علي - [00:08:56](#)

دي ليلة تساوي العمر المعمر. دي ليلة تختصر فيها المسافات ليلة بتطلع فيها برة الجازبية خلاص ليلة جديدة ان هي تجدد فيك الامل
فهزه الليلة الله يقول لمن انزل عليه القرآن. وما ادراك ما ليلة القدر. مش هتفهم يا محمد ولن تستوعب هذه - [00:09:18](#)

بالليلة ومش هتدرك ايه اللي في الليلة ديت لا يوجد شيه سوف يخبرك بعظمة هذه الليلة ابدًا الا الشيه الذي ساخبرك انا به الان دليلة
السلام السلم سمي السلم ليه - [00:09:44](#)

عشان انت صاعد يرجى انك ترتفع وانك تصل بسلام فهي ليلة السلام هذه الليلة تنزل فيها الملائكة بالسلام ليلة السلام الشامل السلام
اللي بيعم قل لارجاء العالم بسبب الليلة ديت - [00:10:06](#)

سبب البركات اللي بتحصل اللي بترفع الناس كلها في صعيد واحد. كله سبحان الله! حتى العصاة والمصرين على المعاصي واللي عنده
شحناء واللي عنده اذى مع حد تلاقية كله كده منطلق. لانها دي ليلة تبادل الود - [00:10:27](#)

من ملائكة السماء وعباد الرحمن يا جماعة من جمال الليلة دي ان الملايكة بتنزل فيها وسميت ليلة القدر ليه؟ قال لك لان القدر اما زات
الشرف والمنزلة وان الليلة دي تشرفت عشان القرآن نزل فيها - [00:10:46](#)

يا سلام عليك وقلبك بينزل فيه القرآن في نفس الوقت اللي الليلة اللي نزلت فيها القرآن على قلب محمد. وفي نفس الوقت ان جبريل
موجود لان الله اخبرنا ان جبريل بينزل في هذه الليلة - [00:11:03](#)

جبريل فانت بتتشبه بمحمد فلازم تستقبله كان ينزل على النبي صلى الله عليه وسلم في ليالي رمضان صح تنزل الملائكة والروح فيها. الروح هنا جماهير اهل العلم على انه جبريل. فجبريل نازل في الليلة ديت - [00:11:23](#)
فيبقى جبريل والقرآن انت بتسمعه وفي نفس الليلة اللي ايه اللي حصل فيها الاتصال السماوي فالملائكة اما بتنزل من احد معاني سبب نزولها ان الملائكة تحب ان ترى العابدين فكأنها طلبت من الله ان تراهم - [00:11:41](#)
فازن الله لهم بازن ربهم من كل امر فالايات عزمت اوي المؤمنين لدرجة ان الملائكة ترغب برؤيتهم رؤية الايه رؤية العبادة الجميلة وهم بيتعبدوا الى الله سبحانه وتعالى. عشان كده انت شعرك في الليلة دي ساعد الله في العشر الليالي كما لم اعبد من قبل - [00:12:03](#)

انسى بقى خالص انا حصل لي فتور في رمضان. انا تعبت انا ما كنتش مركز انا كنت سرحان. انا العشرين يوم اللي فاتوا دول انسى خالص الباب ده انتهى. رمضان هيبداً - [00:12:27](#)
احنا من بكرة ليلة واحد وعشرين الليلة من بكرة وتحسب بالدقيقة خلاص تحسب بالدقيقة لان اللي عاوز يكسب ليلة القدر لازم يقسم التسع الليالي اللي جاية اللي هي من اول ليلة بكرة دي - [00:12:41](#)
يا السم ليلة القدر دي قسمها على تسعة. ويحس ويحاول يعني تخبر نفسك وتتخيل ان الليلة ديت اتقسمت على التسع ليالي. لو جبت التسع ليالي هتوصل لها كده كده فالمعنى ده مهم قوي - [00:12:59](#)
حتة بقى قصر رمضان عدى مش رمضان عدى انسى خالص وجم العشرة عشرة الكنز العشرة دول اعلى واحد شغال محمد صلى الله عليه وسلم. اعلى واحد مجتهد محمد صلى الله عليه وسلم - [00:13:17](#)
اما العشرة دول كانوا بيحوا كان بيعمل ثلاث حاجات. شدة مأزرة يعني استعد كده ايه للجدية اتنين ايقز اهله يعني ايه ايقز اهله؟ ما انت ما تكونش اناني بقى الله يكرمك. حاول تخلي البيت كله يشغل - [00:13:32](#)
ولادك يتحركوا وزوجتك تتحرك انت مش توقظها عشان تعمل لك السحور وتعمل لك الفطار وتعمل لك جلاش الكلام ده اه ان شاء الله حلو يعني بس الله يكرمكم شف ده الاهتمامات بتاعتك - [00:13:46](#)
واحيا ليله خلاص طب ليه يا رسول الله تحيي الليل؟ ليه كان بيعتكف محمد صلى الله عليه وسلم؟ يقول لك ما انتاش عارف ليلة القدر قال لك الليلة التي فيها الشرف والمنزلة. لان ربنا اختارها ينزل فيها القرآن. الحاجة الثانية قال لك الليلة اللي بيقدر الله فيها - [00:14:00](#)

ايه اللي هيحصل في تلك السنة للبشرية ولزلك الملائكة بتنزل عشان ترتب الامور يا سلام يا سلام! اقبل من التضيق وده قول ضعيف اللي هو فظن ان لن نقدر عليه اي نضيق عليه. فالارض بتضيق بالملائكة من كسرة ايه؟ وجودها - [00:14:19](#)
مهم الليلة ديت ليلة الشرف وبيحصل لك شرف عالي قوي ويبقى لك قدر كده. لو عرفت تستسمر الليالي ديت. لان الليالي دي بقى لها قدر ليلة واحدة يا جماعة نزل - [00:14:37](#)
فيها القرآن بقت افضل من ثلاثين الف ليلة انت القرآن بقى لو نزل قلبك بقى في الليلة ديت ايه الجمال ده؟ تبقى انت افضل من ايه بقى؟ ما فيش قلب في الدنيا يبقى زي قلبك الا قلب واحد زيك - [00:14:52](#)
نزل فيه القرآن عشان كده النبي صلى الله عليه وسلم كان يقول لهم ان هذا الشهر قد حضركم فيه ليلة ركزوا خير من الف شهر من حرما فقد حرم الخير كله. يا رسول الله طب من حرما فقد حرم خير. لا لا خير ايه! خير ايه - [00:15:04](#)
محمد بيقول لنا اللي هتفوته الليلة فاتوا خر كله كأن النبي صلى الله عليه وسلم لا يعرف ان هناك خير بعد فوات هذه الليلة انت هيفوتك ليلة القدر لو حبيب قلبي انت ايه اللي انت هتجيبه - [00:15:25](#)
عشان كده الشباب اللي قاعدين يسمعو مسلسلات ومشغول لي بالافلام الهندية والافلام اللي مش عارف المصرية والطعمية والكلام اخرهية ده فوق الله يكرمك ولا يحرم خيرها الا محروم اللي هتفوته الليلة ده بقى خلاص بقى - [00:15:40](#)
ده كده كتب بين عينيه محروم ويقول لك محمد كان بيعتكف في العشر دي يعني لولا ظروف الكورونا والوباء ده نسأل الله ان يخفف

عن المسلمين ويرفع كان المفترض انك ما تكونش موجود ده في الجامع من بكرة - [00:16:01](#)

طيب ليه؟ ده كان بيدخل الجامع ويضرب عليه خباء ده زي كده خيمة كده صلى الله عليه وسلم. ليه؟ خلاص بقى انا هبزل اعلى ما عندي عشان اقدر ايه استقبل يا جماعة ده فيه وفد جاي يزورك ونازل على رأسهم جبريل. انت هتهزر - [00:16:19](#)

فما فيش هزار انك الدقيقة الواحد هتتحسب ارفع شعار لا لضياع الدقيقة في الدقيقة الواحدة لها انت متخيل التفريط ممكن يوصل معك فين؟ جماعة دقيقة دقيقة كده وتيجي تحسبها كسرة الف ساعة - [00:16:37](#)

الدقيقة كسرة خمسة واربعين يوم عارف يعني ايه بقى انك تضيع دقيقة؟ طب معنى كده انا ممكن اريح انا ساعة في الليلة دي؟ اه ممكن تريح ساعة. طب ما انا اكون ضيعت. لا مش هتكون اسمها ضياع - [00:16:56](#)

لان وانا بريح الساعة دي انا بستعين بهذا السبب على ما هو ات فليلة القدر خير من الف شهر ينفع اكون انا بصطاد وتعدي من قدام الغزالة وانا مش مركز - [00:17:11](#)

ولا قناص كويس ومش قافل عيني ومش مركز بالسهم بتاعي القناص يعني في العين مغمض عين فاتح عين مركز قوي ولحزة مرور الصيد شادد السهم بتاعه ومستعد في واحد بقى مطفي عينه وقافل ومريح - [00:17:32](#)

هتعدي منك الغزال هيعدي عليك الصيد ده ثلاثين الف ليلة هتعدي عشان كده لازم تقسم ليلة الليلة ديت ليلة القدر ديت على العشر ليالي وتبدأ بقى تبقى انت كده منتظر - [00:17:52](#)

من بكرة كده قاعد تبص على الشمس يا لحزة الغروب اقتربي. فقد حان موعدى انا مستنيكي فالمعنى ده مع غروب الشمس بكرة تشرق روحك وتشرق قلبك شروق القلب ببدا يطلع - [00:18:10](#)

خلاص هنا اشرق قلبي واشرقت روحي مع غروب شمس غد فالواحد يعيش المعنى ده مهم اوي. انك تزل عايش الى الوقت ده حتى لو انت عايش على سرير المرض ما هو بتحتضر. اما وقد بلغناك هذه الايام - [00:18:29](#)

فقد اردنا بك خير خاص بك. فالمعنى ده مهم اوي انك تستشعره معنى ده انك تقول خلاص فكل البركات اللي انت شايفها على وجه الارض من ايام ما محمد اتى سببها حاجة حصلت في الليلة دي - [00:18:50](#)

ان في قرآن نازل في الليلة دي لاجل نزول القرآن في الليلة دي وشف بقى الليلة ديت خدت الايه؟ انا انزلناه في ليلة مباركة وبعدين انزلناه في ليلة القدر شف ان دي العزمة لان احنا هنكلمك على حاجة عزيمة قوي قوي قوي - [00:19:07](#)

فاحنا ندرك ان ليالي دي ليالي التميز. ليالي التمايز ليالي الله سبحانه وتعالى اثنى عليها ولذلك الصحابة رضي الله عنهم كانوا بيستقبلوا الليلة دي استقبال خاص. كان بعضهم عنده حلة - [00:19:29](#)

يعني لبس ما كانش بيلبسه من السنة للسنة الاليلة دي. ناس فاهمة يا جماعة ليه انتم ترون الملائكة بام اعين قلوبكم؟ واحد يقول لك ده فيه زحمة النهاردة هتحصل. الليلة ليلة عيد - [00:19:48](#)

انت بتهزر بقول لك جبريل من بعد انقطاع محمد لا ينزل. ما عندناش نص ان هو بينزل امتى الا في الليلة ديت. ايه اكبر من كده تعظيم لليلة ديت افبعد ده انا انام - [00:20:03](#)

في تمسيل للكوكبة ديت والوفد ده اكبر من ان جبريل يكون من اعظم من سيحضر هذا الحضور آ لازم تبقى انت عايش المهابة ديت ومدرك كويس قوي ومدرك كويس قوي ان الشرف اللي ربنا سبحانه وتعالى اخبرنا به - [00:20:19](#)

والزحام اللي بيكون موجود ازدحام البركات والتوفيق والسلام. عشان كده لازم يبقى فيه زحام على باب الرجاء برضو لازم يبقى فيه زحام اوي على باب الرحمة كمع اهل الدنيا بيرتبوا دنيتهم وقاعدين يقولوا اصل اليومين دول تجارة برضه اخر الاخرة في اللي بياخد اجازة وفي اللي مش عارف ايه وفي كزا وفي كزا واحنا من رحمة الله اليومين دول في - [00:20:45](#)

مصر في اجازة فانتبهوا فنعم الاستقبال وشوفوا من رحمة الله سبحانه وتعالى بنا ان اخفى علينا الليلة اه والله والله دي رحمة من رحمة الله كان ممكن يقول لك ان الليلة اربعة وعشرين - [00:21:09](#)

بس كنت هتاخذ ليلة اربعة وعشرين بس لكن من رحمة الله بك يخليك عشرين يوم اتعب على فكرة تتعب بمعنى تتعب اما في

العبادة او يقدر عليك ما يشغلك - 00:21:25

فتتهبل انا رمضان بيضيع مني انا ما حستش بمرضان بيقول لك خلاص هنديك عشر تيام تفوق وتمسح كل اللي فات فتدخل بطاقة مختلفة تدخل على العشر بطاقة وهمة مختلفة تماما. يمكن لو كنت دخلت وانت صحيح كده وانت فايق - 00:21:39
يمكن ان كنت تعتمد على تقول لك لا انا يوم اتناشر دول انا صليت كثير ويوم سبتناشر رمضان آآ طولت شوية في الصلاة فيدخل كده ايه عنده اخي العيشة لك نعما يقود كان مشغول في شغل كان مشغول ربطه مرض مش عارف ايه فالتكبير ده بيخليه يطالع بقى خلاص طلع من السجن - 00:21:56

اللي كان مقيده فداخل بنفسية وممكن يدخل بقلب مش شرط يدخل بجسد فيقبل ومعه شاهد على المحبة شاهد وهو خلاص يعني ماسك في العفو بايده وسنانه فالواحد محتاج انه يدرك ان الحاجات دي مش هتيجي الا بحركة - 00:22:16
انت يا ترى ما حل بصدري يا رب لاجل هذه الليلة. ليس لي الا ازيز الصدور التي تغلق القدور ارحمني فتكون الانسان داخل كده زي انس كده. قلت لكم كان عنده حلة - 00:22:42

عارفين يعني حلة يعني رداء كده بيلبسوا ده بتاع ليلة القدر. ايه ده الجمال ده يا انس قال لها انا خلاص بقى بتجهز. تميم الداري كان له حلة بالف درهم - 00:23:01

دي بتاعة الليلة انتم بتهزروا اه ده خلاص. زي ما كان للنبي سوبان ليوم الجمعة لا يلبس غيرهما. كان النبي يتزىي بزى الجميل. ان الله جميل يحب الجمال والوفد جاي النهاردة - 00:23:15

حماد بن سلمة يقول كان ثابت وحميد يلبسان ثيابهما ويتطيبان بل ويتطيبان المسجد. اللي في الليلة اللي عندهم جنديته ببالية الايه ليلة القدر الانسان يحاول بقدر الامكان يشغل نفسه واحدة بقى تقول انا عندي طيب اللي يأتيها آآ عذر حواء بنات حواء والعزر اللي يمنعها الشرعي والكلام ده - 00:23:30

لو سمعت حبسهن العزر ان شاء الله اكون جاوبت على الامر ده. طيب انا عشان الوقت خلاص قعد نعمل ايه؟ عاوزين ناخذ خطوات واحد اتنين ثلاثة نعملهم اول حاجة نستعين بالله سبحانه وتعالى ونسأل الله سبحانه وتعالى ان يوفقنا - 00:23:57
للعفو والعافية واه اذا كان العشرة دول فيهم الاعتكاف لاعتكاف الجسد فهو المراد اعتكاف القلب. يعني ايه اعتكاف القلب؟ يعني قلبك ده يكون بعيد بقى عن المشتتات يعني بعيد عن اي حاجة تشتتك - 00:24:21

بعيدة عن المعاصي بعيد احد مواقع التواصل الا لطاعة وطاعة يعني انا داخل اجيب طاعة داخل اسمع طاعة مش داخل الف كده وادور واعمل واشوف والكلام ده كله وقاعد اشوف صفحتي والكلام ده ما هي كفاية بقى ما صفحتك دي موجودة - 00:24:40
يعني وحد قال لك ان هم هتتسرق منك ما هو موجودة يا سيدي وبتابع اخبار العالم كله معلش العشر تيام دول خلي الدنيا كلها يعني ان شاء الله مش هيحصل حاجة لو حصل حاجة ان شاء الله لو في حرب عالمية تالته او رابعة بازن - 00:24:55

بازن الله حد هيبت لك على الواطس ما تقلقش فما تشغلكش بالك بالمشتتات فالامر الاول انك يحتاج الانسان انه يتجهز زاهرا. يعني ايه يتجهز زاهرا؟ يعني انا عاوز ادخل بيتك كده واجي بيتكم. احس كده ان عيالك مستنيين الضيف - 00:25:08

ويقولوا لي يا عم عمو انت تعرف ان بكرة ان شاء الله اه ان هيبدا العشر ايه العشر ده يا حبيب قلبي يعني هيحصل كزا وكزا وكزا وكزا وكزا وكزا احنا هنصلي هنا وانا زبطت القرآن بتاعي وعملت الجدول بتاعي شف يا عمو انا عملت ايه فناس جاهزة ناس بتجهز - 00:25:30

الاسدال بتاع الجاهز ادوات العبادة جاهزة مكان الصلاة جاهز حامل المصحف جاهز السواك بتاعك جاهز وانا احس كده ان الانسان ده جاهز انسان مستني ضيف عزيز غالي جدا عليه لان الحاجة دي الزاهرة دي بتفرق بعد كده. ده اللي بيخلي الانسان مسلا يقبل على يوم الجمعة قايم بيغتسل قايم بيجهز نفسه كويس - 00:25:47

الاستعداد ده بيكون من علامات الاستعداد ان شاء الله. فكتاب الازكار بتاعك جنبك معك. ادواتك تكون معك عارفين شنطة المدرسة كده لما واحد يبدأ يجهزها اسأل الله سبحانه وتعالى ان يسدنا واياكم. يبقى ده الاول الحاجة الاولى يعني - 00:26:11

يبقى يحتاج الانسان ان يتجهز. اتنين من العبادات المهمة اوي اوي اوي اوي اوي ان في دعاء ده انك ماسكه على طول الخط الدعاء ده ما ينفعش يعني انت نايم انت صاحي انت بتعملي البيض انت مش عارف خلصت وضوءك ماشي الدعاء ده دايم معك.

الدعاء ده - [00:26:31](#)

محمد ال لعائشة رضي الله عنه صلى الله عليه وسلم. قالت له يا رسول الله رأيت ان علمت اي ليلة القدر ما اقول فيها؟ قال قولي اللهم انك عفو تحب العفو فاعف عنه - [00:26:55](#)

بس كده بس كده في عفو كريم. الرواية دي مش صحيحة رواية صحيحة عفو انك تقول الاسم ده. اللهم انك عفو تحب العفو فاعف عني طيب بالدعاء ده طبعاً قل بقى كل حاجة انت عاوزها بس الدعاء ده خلي بالك منه قوي. ليه يا جماعة؟ يقول لك عفت الريح الاسر - [00:27:08](#)

يعني الربيعة عدت على اسار الرجل فمشت الايه للاسف فما حدش عاد شايف حاجة. فان عفا عنك ما حدش هيشوف حاجة خلاص بس انا كنت بشرب سجائر من ورا اهلي كنت بكلم بنات من ورا اهلي كنت بعمل وبعمل وبعمل خلاص بقى عفى الاسر خلاص عفا عنك الموضوع انتهى - [00:27:30](#)

خلاص بقى ما الموضوع اتقفل على ما كان منك ولا نبالي خلاص الملف ده اتقفل مش هيتفتح تاني اه هو فين؟ فين اسره؟ مش باين فين؟ عفا. خلاص الازهر نفسه عارف كده اما يقول لك ده مش عارف شالوا البصمات. ما خلاص بقى - [00:27:49](#)
حاجة اتشالت اللهم انك عفو تحب العفو فاعف عنا وبرضو انك عما تعفو عن الاخرين تا علامة ولان الله سبحانه وتعالى يعفو عنك كما عفوت عني عن البشر. من العبادات المهمة قوي - [00:28:06](#)

انفق ينفق عليك ولا تخشى من ذي العرش اقلالا من العبادات الصدقات. تستشعر ان ربنا وكلك وجعلك محل كي ترزق يرزق غيرك وانك ترزق غيرك وانك تطعمه ان عبادات يا جماعة ان كل يوم فيه صدقة. طب انا مش هقدر كل يوم اطلع صدقة لحد مش هلاقي حد. عندك صندوق كل يوم حظ فيه صدقة - [00:28:27](#)

لغاية ما تجمعهم كده وتيجي في ليلة سبعة وعشرين ولا ليلة تسعة وعشرين وتديهم لحد فكل يوم فيه يكون فيه صدقات. كل يوم فيه افطار صائم. كل كل يوم بمعنى كل يوم. ليه كل يوم - [00:28:52](#)

ما هو لو كانت بكرة ليلة القدر يبقى انت كده وش ما شاء الله وفقت طب لو كانت يوم سبعة وعشرين وفق؟ طب لو كانت يوم ستة وعشرين وفق. فانت كل يوم هتعمل طاعة. كل يوم كل يوم - [00:29:06](#)

والشباب اللي يقدرنا واللي عندهم حد بيصلي من النساء صلوا ورا الامام. لان من صلى خلف الامام حتى ينتهي كتب له قيام ليلة. فاللي هيصلي العشر ليالي دول ورا الامام - [00:29:19](#)

كده ادرك ولا بد يقينا ليلة القدر قائما طيب حصل لي مشكلة ومش هقدر اعمل اي حاجة. اللي يدرك اللي يصلي ركعة الوتر فده اقل القيام فمن قام ليلة القدر ايمانا واحتسابا غفر له - [00:29:33](#)

كل يوم في قراءة قرآن؟ اه كل يوم فيه بر تفنن في برك بقى اصل بابا وماما وانت ما تعرفهمش يا سيدي معلش. تعال انا اوديك عرض معروض عليك عرض دلوقتي - [00:29:53](#)

نكتب لك في صحيفتك ثلاثين الف ليلة بر وتيجي على نفسك شوية ولا دمك في اطار اصل انت ما تعرفش بابا وانت ما تعرفش ماما والكلام ده براحتك بقى خليك انت في في الدائرة بتاعة بابا وماما - [00:30:06](#)

الصلاة خلف الامام اللي ببسأل يعني امام بيصلي وانا بصلي وراه هو ايه انا مش فاهم يعني ايه الصلاة خلف امام يعني هنجيب امام يعني وهنصلي وراه زي ما بتصلي ورا اي - [00:30:27](#)

حاسس ان من المعضلات شرح الواضحة اه انا في البيت صلي مع حد في البيت. ممكن انت تبقى امامة اختك او اختك امامتك من الحاجات المهمة قوي انك ما تنساش نصيبك من القرآن - [00:30:37](#)

فده الاساس المفترض بقى الناس اللي بتتاجر انا بكلم التجار اللي بيحبوا ما بتكلمش الناس بقى اللي هي ايه بتمضي دي وخلص. انا

بتكلم المحبين اللي بيحبه يعملوا ايه يقدر لو يقدر يختم العشر تيام دي خاتمة يبقى جميل قوي - [00:30:59](#)

يعني تقرأ كل يوم ثلاث اجزاء وصفحتين ثلاثة كده مستحيل انت بتتكلم والله ما مستحيل ولا حاجة انا اعرف الناس بتختم ثلاث ايام في الايام دي. يعني بيقرأ بحوالي سبع تمن تجزاء في الايه - [00:31:17](#)

في اليوم فشد حيلك يا جماعة بقى مشغول وعنده امتحانات في الفلك والعالم كله مستنيه وبتاع الله يكرمك ما تضيعش حتى تقرأ جزء يوميا. جزء تقرأه كل ليلة وتحاول تستمع قرآن تستمع مش تسمع كده وخلص يبقى القرآن شغال لا حاول تشغل موبايلك كده وتابع تشوف الشيخ ده بيقول ايه. الاية دي بتقول ايه - [00:31:31](#)

في معنى ثاني مهم قوي يمكن اشرت له قبل كده والموظفين الموظفين عادي برضه يهتموا زي ما مهتموا بفلوسهم يهتموا باجلهم وفي ذكر جميل قوي النبي صلى الله عليه وسلم يقول - [00:31:56](#)

من قال لا اله الا الله وحده لا شريك له له الملك وله الحمد وهو على كل شيء قدير في اليوم مائة مرة شوفوا الجوايز اللي هياخذها كانت له عدل عشر رقاب. يعني كانه اعتق عشر رقاب. كانه ايه؟ اعتق عشر رقاب. كانه ثاني اعتق ايه - [00:32:13](#)

عشر رقاب. اللي يقول الذكر ده مية مرة. لا اله الا الله وحده لا شريك له له الملك وله الحمد وهو على كل شيء قدير. اللي يقوله مية مرة في يوم كانه اعتق عشر رقاب - [00:32:30](#)

اللي هيقله يوميا كل ليلة واتدرب من الليلة ديت اللي هيقله من دلوقتي لغاية يوم العيد كانه اعتقت تلتميت الف رقبة في سبيل الله لانه اعتق قد ايه؟ تلتميت الف رقبة في سبيل الله - [00:32:40](#)

واللي يعتق رقبة يعتقه الله من النار ان شاء الله على قدر سهولة الذكر ده وبساطته لكن اجره كبير قوي قوي قوي. مية مرة كان ليه عدل عشر رقاب. طبعا تقولها بالليل - [00:33:02](#)

بعد غروب الشمس طب لو انت قلت الذكر ده بقت مية مرة وليلة القدر خير من الف شهر الف شهر يعني اضرب الشهر تلاتين يوم في الف في المية دول تديك تلتميت الف - [00:33:16](#)

رقبة في سبيل الله. شفت الاجر العالي ده كله انت ممكن تعدي وربما تعتق رقبتهك طب انا اقول الذكر ده ازاى والله انت لو قلت عشر مرات او خمستاشر مرة او عشرين مرة - [00:33:28](#)

بعد كل ركعتين من التراويح مش هتاخذ منك دقيقتين وتخلصهم فانت عارف يعني ايه يعتق من اعتق رقبة رقبة يعني مسلم كان واحد اسره ولا كان عبيد وانت اعتقدته بقى حر - [00:33:43](#)

فكما كانك انت اعتقت عشر رقاب. كانك انت اعتقت تلتميت الف رقبة في الليالي ديت وجوبا ايه اللي ينتزرك لو انت عملت كده حاول ان يكون كل ليلة لك خبء من عمل خفي ما حدش عارفه. عمل خفي ما حدش - [00:34:00](#)

يعرفه في الليالي ديت عادي تتصل بواحد تجبر قلبه ده عمل خفي. انك تتصدق على مسكين عمل خفي. انك تبعت لواحد رصيد مسكين اعمال خفي. انك تبعت مين جنبه لاي جمعية خيرية عمل خفي. ما حدش عارف ايه اللي حصل - [00:34:18](#)

انك تزيد انك تتصدى اي حاجة بقى عمل خفي. اصلاح زات باين ده عمل خفي ازالة الشحناء تتسبب في تنزل الرحمات عليك وبتقوي عضلة الاخلاص من العبادات المهمة قوي للاستغفار وقت السحور. والمستغفرين بالاسحار. يكتب في ديوانك كده تلاتين الف ليلة كان مستغفر بالسحر. يا سلام عليك - [00:34:35](#)

ايه الجمال ده الاخوات والبنات اللي بيعملوا السحور هيننا لكم وانت بتعملي السحور كده اكتبني كده الاستغفار بالاسحار تبقى مكتوبة تلاتين الف ليلة بتستغفري ربنا في السحور ايه الجمال ده - [00:35:00](#)

وانك تكسر بقى من الدعاء عندك عشر ليالي كل ليلة متوسط هنقول يا سيدي خمس ساعات معك قل اللي نفسك فيه قل الدعاء اللي نفسك فيه تمسك اوراد اهل السنة والجماعة كتاب كده قل بقى اللي نفسك فيه. ادع براحتك خالص - [00:35:15](#)

انك تري من الله سبحانه وتعالى من نفسك الصدق. تقول له يا رب انا لا استحق الرحمة ولا استحق المغفرة. ولا استحق حبك لكن عاملني بما انت اهله لا بما انا اهله - [00:35:32](#)

وانت قادر على الرحمة وانت قادر على المغفرة. انت قادر انك تنتشلني من اللي انا فيه انت تنتشرني من قعر الجب والبعد الى سماء القرب انك تتودد الى الله سبحانه وتعالى - [00:35:45](#)

انك تتمسك بهذا الرجاء تستحضر خاصة بقى في السحور ان الله وملائكته يصلون على المتسحرين شوف لما ربنا سبحانه وتعالى يطلع على قلبك ويجدك مهموم. وجميل انك لو تقعد كده جلسة كده وايمانية وتقرأ فيها - [00:36:00](#)

سورة القدر وتبدأ تنزل هذه الايات عليك كل ليلة لو تقدر في صلاة النافلة تقرأ انا انزلناه في ليلة القدر وتتجدد المعاني دي في قلبك اعتقد ان شاء الله ان الله سيحيي هذا القلب - [00:36:20](#)

لعل يكون لهذا اللقاء له ما بعده من استثمار لايه؟ من اوقات. فاسأل الله سبحانه وتعالى ان يرزقنا واياكم التوفيق في الدارين ويمن علي وعليكم بحسن عمل وحسن خلق وحسن ختام. اقول قولي هذا واستغفر الله لي ولكم - [00:36:34](#)